


NANU OLIMBONIA ESE?

Yabao Jumapili endala, yabanendikho ne nilwacha likhua lia wele liekhuukia, musirekere sio omwami wa Lesotho musibala sia Afrika kusini. Sipupu sie babandu bakali alala nende omwami oyo nende omukhasi wewe bebusia khurekeresia likhua lia wele. Likhua lia wele lilimoyo, lundi lili ne kamani, lundi lilioki khutuma embalu iyokia chimbeka chiosi, liachuna babandu abo kimioyo kiabwe burafu.

Nga nenaba ne enjililila khukhwilwacha; Omukelema uwapa omukhasi we khuranga wo omwami, kachaka khukukula burafu. Kenyokha kema, kamasika kaba ne kachililila khumwikha, kalila burafu muno, na abola ali, “Nanu okane kambonie? Nosima njete, kumwoyo kwange kuli ne buchuni bukali, ne lundi esese endi omundu we busiro ne busulunyi mumwoyo. Nanu okane kanjete? Nanu okane kandusie musiboe sino sirisia sie lifwa? Ekhole endie? Mwesi mumanyile mbo endi omukelema, omukhasi wo mwami, ne lundi esese endi mulala khu bakhaye be kumukhung’ano kwe kamasaba. Nabele nenja mukanisa kimiko kamakhumi kabili nekhutumakhoo, mala kama khuwa kano kosi sekanyala kanjeta, khuumbolola ta, chimbi cha Setani chayambo. Esese endi omumesi, esese endi omukhasi omwiri.

NANU OKANE KAMBONIE?



Okhola chimbi oyo ali wo musiku Setani. 1 Yoh. 3:8.

Kamakhono kange kanyalutikha, kayechula kamabi, sikila kali nekamani ke khukoya kamalwa, siekhunywa sisialamwa. Chimbi chayambo kamakhono nende bikele, endi omuboe we enyanja ye kumulilo!”

Kachililila khulila ne burafu lukali, nga nekekhalo waloma ne kumumilo kwa angaki ali: “Enjete! Enjete! Ee nanu okane kambonie? Nanu okane kamboolole muminyololo kie chimbi kino? Mu bung’ali naisima wele, nekakhali chimbi chainduka, chimbi chikhurura khu khumbila munyanja ye kumulilo. Naiira omwana wange omupele we sisoreri, naba nemumemile khumukongo nganaba ne emelile mala nakwa asi mala nakona khumurwe kwo mwana wange omupele, omusime mala wafwa sise esio. No musima khomunjete, mumbonie ne lifwa lino. Khusikamila kimisambwa se khuanjetile ta. Lisaba lie edini selianjeta ta. Nanu okane kambonie? Nanu okane kambonie?”

Namukobosia endi: “Ba nekumulembe. Kumunyakhano kwoo kuli kwa buli mundu. Endakano ya wele, eli Ebibilia, enyala yakhuwa likobosio linyala liaolelesia kumwoyo kwoo. (Barumi 7:15-25). Sikhubolela nga chimbi ngane chirukanga, ne lundi sikhuo kesia okane akhuonie khurura mumbi echo. “Sikila emanyile embo, mwise yaani mumubili kwange, likhuwa sellimo lilali ta; sikila nenyala khukhola lili lilahi nekakhali mbo senyala ta. Sikila lilahi liesima sendikhola ta, ne lie ekhasima ta nilio nilio ekhola. Esima endakano ya wele khubela omundu oli mukari mwange yaani esese; lakini mumubili mkona lilako lili alehi, nelikhupana nende lilako lili munganakani yange.” Niko kakila buli omundu naba nende khulila ali “Mayi wee, nanu okane kambonie?” Nekhulilila wele, kane akhukobosie ne khukhuonia.

ELINO NILIO LIKOBOSIO


“Omwana wa wele nababoolola muba balekhule muno.” Yohana 8:36.

Yesu niye likobosio lie kamareba kefwе kosi khulondekhana nende bulamu bwa mindali. Niye likobosio lia buli lireba lio oli naliо. Mbaо buhonia mwisina lilindi nekakhali lisina lia Yesu, khubirira mwisina elio khunyola khuonisibwa. (Bikholwa 4:12). Yesu yeng’ene niye onyala khukhuonia khurura mumbi chefwe. Kamafuki kewe kakatachwa khumusalaba, niko kong’ene kanyala kasinga chimbi chefwe chosi. Mbaо omulakusi namwe kamalesi, omufumu, namwe omundu yesi yesi, namwe omwilwachi, namwe omwayi we kamakhese kos mwami, namwe litembeli, onyala kakhuonia khurura mumabi. Yesu yeng’ene niye likhese lie esadaka lia wele owetiukha kamabi ke sibala, anyala khukhuonia khulwe kamafuki kewe nende kamani ka roho wewe.

Yesu Omwana wa wele kecha musibala sino khukhwikula chimoni abo

bababofula, khukangulula abo bali musiboe, khubarusia abo babekhala munju ye buboe ye sisilima. (Isaya 42:6,7). Yesu kabo ali, "Oyo okhola chimbi ali omurumwa we chimbi nende Setani, nekhali Omwana (wa wele) na akhukangulula no oba omulekhule mno." (Yohana 8:34-36). Yesu niye bung'ali bukangulula babandu.

Yesu Omwana wa wele ketiukha chimbi chefwe chosi khumubili kwewe omwene khumusalaba chimbi chefwe chosi chaanikhwa khumusalaba. "Kang'ali kasuta sibela siefwe, ketiukha busirobwefwe. Kanyola kamakonjo khubela kamabi kefwefwe, kakhubwa khubela kamabi kefwefwe, kakhubwa khubela kamabi kefwefwe shinyasio sie kumulembe kwefwe kwaba khunie, khubela khukhubwa khwefwe khwanyola buonia." (Isaya 53:7).



Oyo niye Omwana (Yesu) akangulula alaba omukangule mubung'ali. Yoh. 8:36.

Baraba kaba omwoni omukhongo, sikila kaba omwiri owenyekhana afwe. Niye wenyekhana abambwe khumusalaba, nekhali abukono bwewe Yesu kasuta kumsalaba kwa Baraba kenyekhana abambilwekho. Yesu Omwana wa wele kabambwa mu bukono bwa Baraba, mu bukono bwoo, nende bukono bwange, omwiri kalekhulwa sikila omundu okundi kafua mubukono bwewe, lifwa lia kenyekha afwe.

Ewe ne nase khufwanana nende Baraba oyo. Kumurungo kwe bibi lifwa, nekakhali sihanwa sia wele sili bulamu bwa mindali mu Kristo Yesu. Nga nololelela kumusalaba kwa Kristo mwisubila, olebona wamwene nga noli, ne bubwoni bwoo olabubona ne bukhomilwe khumusalaba. Yesu kafwa

khumusalaba mubukono bwoo mbo ewewe onyale khumenya kimiko kiosi, katacha kamafuki kewe nio obelwe chimbi choo. “Khwako wele kakhusima siakila karana Omwana wewe omutelwa mbo ewewe okhatiba ta nekakhali onyole bulamu bukhaela ta.”

Nga ne kamala khurekeresia. Chilomo chino chiosi, mukho mwami kasubila Yesu lukali waana kumwoyo kwewe khu oyoyo owamufwila khumusalaba, katacha kamafuki kewe ke nganga mbo amusinge chimbi chewe chosi. Kawelesia wele kumwoyo kwewe kwe chimbi ne wele naye wamuwelesia kumwoyo kumuyakha ne khumwichusia roho omutakatifu. Alala nende ako wele sekamubela chimbi chewe chong'ene tawe, nekakhali lundi kamuonia khurura mu mani nende buruki bwe chimbi. Kimiko kimikali kiabirire khukhwama sise esiesio, amenyile bulahi ne lundi ali ne bukhili khu bwoni, ne lundi amenyile mubulamu buli bukwalafu. Seasinywa kamalwa nende khunywa namwe khung'uila eraba ta, bumenyo bwewe bukiwalafu, ne omwene ali omuloli oli nende busangafu ne arusia buloli bwe bung'ali bwa Kristo mbo oyo oli nende Kristo Yesu mubulamu bwewe ali silombe siyakha. (2 Bakorinjo 5:17).

Yakhaba wesi, omusomi owasiange, onyala waba omulekhule mu Kristo Yesu. Yesu wabola ali, “Inje khwise, enywe mwesi, muminikha ne kimikuku nase endabahulusia.” Iche khu Yesu nga ne oli, aho niyo oli. Mubolele chimbi choo chosi ne butinyu bwoo bwosi. Se ala khumwata ta, no wicha khu niye mumwoyo kwe khukhwibombia ne kumwoyo kufunikha, kulinelisibula. Wakana ewewe oli omusangi owe likanisa mala wabelemo chindalo chingali, mala oli msiboe sie bubwoni. Iche khu Yesu naye alabakangulula bwangu, nga ne kamuonia oyo owaha we kamakelele, nende oyo owaba omupofu niye kaonia. Yesu akhakalukhana ta, anyala kabaonia abo bafunikhe kimioyo, abo baboekhe, khubakangulula. Niye owakhubela chimbi chefwe chosi ne khukhuonia bulwale bwefwe bwosi. (Zaburi 103:3).

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)